



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Apparatus Doctrinae Sacrae**

Archdekin, Richard

Dilingae, 1687

Die Veneris: Praxis horas canonicas devotè recitandi.

urn:nbn:de:hbz:466:1-38464

Catholicae, & præcipue hujus N. Diæcesis & Civitatis, Pastores ac Prelatos.

Die Luna, Omnes Principes Christianos : ut inter se concordent, & Catholicam Religionem ardenter promoveant.

Die Martis, In particulari hujus Civitatis, aut loci Gubernatores & Magistratus ; ut pacis ac justitia simi amatores.

Die Mercurii, Omnes in Christi vineâ operarios; ut animarum salutem cum zelo & fructu constanter insistant.

Die Iovis, Omnes Ecclesiasticos Ordines; ut sancti sint, & alii sc̄e exemplares præbeant.

Die Veneris, Omnes peccatores, hereticos, & infideles ; ut convertantur ad Dominum.

Sabbatho, Omnes iustos ; ut in bono usque in finem perseverent.

4. Jamjam consecratus hostiam, priusquam *Consecrationis* pronunties verba, brevi mentis suspirio intentionem consecrandi renovabis. Eodem affectu consecrabis & Calicem.

5. In actu *Adorationis*, peractâ jam Consecratione, Domino offeres toto corde in sacratissima Hostia praesenti, eosdem Adorationis actus, quibus illum in cœlo & in terra omnes Sancti, ac universa adorat Ecclesia. Idipsum toties facies, quoties aliquem adorationis exhibebis cultum, genuflexione, aut alio modo.

6. *Elevando* in altum sacratissimam *Hostiam*, fortis fide & profunda humilitate ac reverentia, Patri aeterno illam offeres, atque unâ cum illa te ipsum, in perpetuum holocaustum, ad suam gloriam, commendando illi finem, ad quem applicatur Missa Sacrificium.

Idem facies etiam in elevatione *Calicis*; illum offerendo magno affectu in tuorum delictorum remissionem, ac totius mundi salutem.

7. In secundo *Memento*, præter illos vita funtos, pro quibus aliquo titulo obligatus es orare quotidie, commendare poteris Domino sequentes, per singulos itidem hebdomadae dies assignatos.

Die Dominicæ, defunctos tuos parentes, consanguineos, & affines.

Die Luna, alios defunctos, à quibus aliquo modo beneficia tibi impensa sunt.

Die Martis, illos, qui quoquo modo, cùm vivent, te offendunt, vel persecuti fuerunt.

Die Mercurii, vitâ funtos, quos tu quomodolibet offendisti, vel in illorum vita eos fecutus es.

Die Iovis, defunctos, pro quibus ab aliis nullæ speciales funduntur preces.

Die Veneris, illos, qui diuturniore tempore in Purgatorio detinendi sunt.

Sabbatho, illas animas, quæ citius de purgantibus flammis educenda sunt in cœlum.

8. Accepturus *Manu* Hostiam, mente illam Domino sacratissimam ejus Matris offeres puritatem, quâ ab illa infans in ulnas exceptus fuit.

9. Sacrosanctam in Communione accepturus Hostiam, paulisper subsistens, vivâ fide, Domino Iesu, in illâ verè praesenti, profundâ adorationis exhibebis actum, desiderando eum suscipere cum illa humilitate, charitate & sanctitate, quâ sacratissima ejus Genitrix cum in terra suscepit, & quâ illum omnes ejus suscepserunt Electi, atque etiamnum sancta Catholica suscipit Ecclesia in supplementum summae tuæ imperfectionis, & spiritualis paupertatis.

Accipiendo *Calicem*, similiter corde profundam pretiosissimo sanguini, pro tuis fuso peccatis, exhibebis adorationem, supplicabique ejus meritis & virtute tibi donari omnium offensarum Indulgentiam, & ardentem honoris, & animarum salutis zelum.

10. Si alii sacram distribubes Confessionem, mentis oculos diriges ad immensam Unigeniti Filii Dei Charitatem & Humilitatem, quâ scipsum indifferenter omnibus; pro illorum salute dedit in cibum, & inter distribuendum, sacris ejus Vulneribus, intimo cordis affectu, communicantium animas, & simul tuam commendabis.

Post Sacrum Actio Gratiarum, &c.

Primò, tanquam tuo Domino, vel Patri, vel Medico, &c. profundum adorationis actum exhibebis, Secundò, Gratiarum actionis effectum, pro tanto beneficio.

Tertiò, Amoris actus ardentes.

Quartò, Contritionis tuorum delictorum.

Quintò, Oblationis tui ipsius, ac totius tuae vitæ.

Sextò, Varias, hoc vel similis modo, effigiatibus gratias.

ORATIO.

In qua supradicti Actus continentur.

Clementissime Domine Iesu Christe, unice Servator meus, toto & intime corde te adoro ; & pro tanto beneficio immensas gratias ago. Et quia omni dignus es amore, supra omnia te amo ? & doleo, quod non, quantum mereris, te amaverim, nec amem. Et in locum hujus defectus, illas tibi offero adoraciones, gratiarum actiones ; & illos amoris, reverentiae, & gratitudinis affectus, quibus te tua sacratissima complexa est Mater, & omnes Sancti ac servi tui unquam persolverunt, atque etiamnum in cœlo, unâ cum universa Ecclesia Catholica tua Sponsa, persolvunt. *Magnificat anima mea Dominum, &c.*

Doleo super omnia, mi Domine, quod quomodo cunque te offenderim ; & summoperè displacest mihi, quod non tantum doleam, quantum tua Bonitas requirit & Majestas : deque tuae sacratissimæ Passionis virtute, cunctarum offensarum summisse deprecor veniam & remissionem. Offero cum eadem quoque meipsum, omnesque quos exaltavi, & quos per omnem meam vitam exaltatus sum labores, & quicquid sum percessurus, in satisfactionem & remissionem omnium meorum peccatorum, ut infinita tuae Bonitati & Clementia confido, quod omnes mihi toxis remissi. Humiliter intulper precor, ut emendandi, & usque in finem in tuo sancto servitio perseverandi gratiam copiosam concedas, Amen.

DIE VENERIS

Praxis Brevis.

Horas Canonicas devote recitandi.

Consideret attentè Sacerdos obligationem, quam habet debito modo, & devotione recitandi Horas Canonicas, juxta illud Decretum Innocentii III. in cap. Dolentes, de celebratione Missarum. *Strigile* acquir, præcipimus in virtute obedientie, ut Divinum officium nocturnum pariter & diurnum, quantum eis Deus derit, studiosè celebrant, & devote. Ubi non præcipitur tantum substantia Officii, quæ pridem in Ecclesia constituta

stituta fuit; sed præcipitur ipse modus studiosè & devorè recitandi, ut etiam *Cajetanus* accuratè adverit. Adhoc sanci quemlibet animæ suæ, & spiritualis lucri studiolum vehementer invitat & impellit consideratio præclaræ S. Hieronymi, in cap. *Non medicocrister, de confec. dist. Melior est*, inquit, *quinq[ue] Psalmorum decantatio cum cordis puritate, serenitate, & spirituali alacritate, quam totius Psalterii modulatio, cum anxietate cordis, & distractione.*

Quod si habetas etiam curam animarum, pro quibus oportet Deo Preces offerre, considera te id opimè præstiterum per attentam, ac devoutam recitationem divini Officii in conspectu Dei & totius Curie celestis, ad divinam opem & protectionem tibi, & tuo populo impetrandam, juxta documenta hic sequentia.

Itaque dum Horas recitas, omni studio conaberis Attentionem, devotionem, & intentionem actualem, aut minimum virtualem continuare, aut sèpius renovare, cum interna, externaque reverentia; memor divinas laudes legendas esse, aut canendas, non solum cum debita verborum prolatione, sed etiam cum seria memoria, intellectu, & voluntaria applicatione, & religiosa totius corporis compositione; juxta illud Psalmi 46.v.7. *Psalite Deo nostro, psalite Regi nostro, psallite; quoniam Rex omnis terra Deus, psalite sapienter.* Ubi quater repetito verbo, *psalite*, insinuat psallendum Deo, quoad vocem, distinctè; quoad memoriam, attentè; quoad intellectum, intelligenter; quoad voluntatem, ardenter; & quoad habitum totius corporis, reverenter.

Hoc affectu conaberis. 1. Opportunum & sufficiens tempus singulis horis Canonis, si extra chorum legas, tribendo, juxta communem morem Ecclesie, & virorum timoratorum, quibuscum vivis, non præcipitando verba, nec mutilando, nec indecorè festinando. 2. Locum pietati tuæ magis congruum, & astrepitu, & interpellatione remotiorem, eligendo. 3. Decentem corporis situm adhibendo; videlicet, si vires ferant, alternatum genua flectendo, aut stando. 4. Oculorum evaginations, aliasque distractiōnū causas declinando. 5. Viva fide Deum præsentem, eique Beatorum choros laudes æternum concinentes crebro intruendo, cum affectu amoris, gratitudinis, zeli laudandi Deum, eique per omnia placendi. 6. Subinde memoriam renovando eorum, quæ Christus tali horâ fecit, vel passus est, cum similiū piorum affectuum, ac desideriorum, Christum redamandi, imitandi, ejus merita participandi, instaurando. 7. Renovando propositum attentionis, si distractiōnibus agiteris, maximè in initio & fine cuiusque Psalmi: initio quidem desiderando & petendo affectum à Spiritu sancto intentum; in fine vero, *ad Gloriam Patri*, ferventi affectu laudando sanctissimam Trinitatem, reverenter, attentè, devotè, cum omni possibili perfectione.

8. Ad certa verba sèpe occurrentia, quæ *Deum*, eisque attributa, beneficia, opera denotant, conando elicere affectus congruos, admirationis, reverentia, adorationis, timoris, spei, amoris, gratitudinis, laudis, congratulationis. Ad voces, *Nos, homines, miserias humanas indicantes affectus humilitatis, contritionis, compassionis, & similes.*

9. Ad sensum verborum, vel litteralem, vel spiritualem attendendo, & affectus convenientes excitando. Ut in *Pater noster*, cum viva memoria præsentis Dei, filiali fiduciâ, reverentiâ, resignatione, & zelo gloriz

Dei, petendo illa septem, juxta modos orandi supra insinuatos. In *Ave Maria*, excitando desiderium laudiandi B. Virginem benedicendi Christum, & impetrandi per eum, Matrisque merita gratiam bene vivendi & moriendi.

In *Credo*, excitando fidem, spem, charitatem, quietudinem, desideriumque participandi merita Christi; *Ad Domine labia mea*, &c. *Deus in adjutorium*, recitando ea cum affectu fiduciae in Deum per mentem Christi, & dissidentia sui, amoris, gratitudinis, religiosi, & glorificandi Deum. In *Iuramentario*, omnes Chorus Sanctorum, & suas potentias omnes ad Deum laudandum invitando.

Psalmi recitandi sunt eo affectu, quem verba praferunt, & quidem, vel uno affectu præcipuo, c.c. contritionis, ut in Ps. 50. *Miserere*. Vel laudis, in *Canticu Benedictice*, & Psal. 145. 149. 150. Vel gratiarum actionis, ut in Psal. 102. 104. 105. 106. Vel affectu divini beneplaciti perfectè adimplendi in observatione divinorum præceptorum, confiolorum, inspirationum, ut in Psal. 1:8. & aliis, qui unum tantum præcepit affectum continent. Vel diversis affectibus recitando exteris, qui miram affectuum varietatem suppeditant. Videlicet juxta D. August. in Psal. 30. timendo cum timet Propheta, amando cum amat, laudando cum laudat, plorando cum plorat, postulando cum postular, nos humiliando, cum ipse se vilem ignorat, gratus agendo pro beneficiis nobis spiritualiter collatis, quæ Iraelitis corporaliter collata refert.

Similiter Antiphonas, versus, lectiones, orationes recitando cum affectibus, desideriis & sulpiriis congeneribus. In fine, cum memoria brevitatis vita, & desiderio beatæ mortis, orando pro defunctis serventer, prout pro se alios orare optares, dum *ad Fidelium anima*, singulas horas concludis.

Poët Officium.

I. Effectus minus voluntarios in recitatione Officii admissos quam primum expiri stude, recitando Orationem, que habetur apposita Breviario Romano *Sacrae sanctorum & individua Trinitatis*, &c. & lucrando indulgentias in hunc finem concessas.

II. Offer tuum obsequium quantumvis imperfектum, in unionē orationis & meritorum Christi, B. Virginis, & Sanctorum, ad intentionis initio præfixis; idq; vel immediatè sanctissima Trinitati, vel per Christum aeterno Patri; vel primum B. Virginis, deinde Christo, & per hunc, Patri, hac vel simili formulâ justa industrias quodvis opus bene peragendi.

O Maria Mater gratiæ, Mater Misericordiæ, respice oculo pietatis hoc exiguum servitutis meæ obsequium, quod mellifluo cordi tuo emendandum, perficiendum, & repræsentandum dilecto Filio tuo offero, ad maximum ejus gloriae, amorem, beneplacitum, in gratiarum actionem aeternam, & ad gratiam nobis impetrandam illi placendi perfectissime in tempore & acciuate. Amen.

DIE SABBATHI.

Consideranda Exempla Divina vindictæ in Saturdotes indignè celebrantes.

Conseruanda, sicut Corpus & Sanguis Christi in Sacramento Missæ dignè accepta conferunt Sacerdoti; ingenita